

10 DAYS OF PRAYER

WWW.TENDAYSOFPRAAYER.ORG

Okuddayo ku Kyooto – Okukomekkereza Olunaku ne Katonda

OLUNAKU 6 – NNAMIGE MU KUSABA EKIRO KYONNA

“Awo olwatuuka mu nnaku ezo, n’avaayo n’agenda ku lusozi okusaba; n’akeesa obudde ng’asaba Katonda” (Lukka 6:12).

Eky’okulabirako Gyetuli

Ky’ali kimanyiddwa bulungi nti Yesu yamalanga ebiri biramba ng’asaba, era nga bwe yakola m kiro ekyaddirira okulondebwa kw’abayigirizwa 12 abaali ab’okutwaala enjiri olunaku olumu eri ensi (Lukka 6:12, 13). Naawe nno kyandikwetaagisa okusigala nga otunula ekiro kyonna bwekiba nga olina ensi ey’okulokola nga oyambibwaako abonoonyi 12 abatasaanidde. Obuvunaanyizibwa bw’ali bw’amaanyi nnyo, era Ellen White yannyonyola bw’ati ku Yesu, nnamige mu kusaba ekiro kyonna:

Kabaka w’eggulu bweyali nga akola obuweereza Bwe ku nsi, yettanira nnyo okusabanga eri Kitaawe. Yavunnamanga emirundi mingi ng’asaba ekiro kyonna. Omwoyo Gwe gwateranga okunakuwala ng’awulidde amaanyi g’ekizikiza ky’ensi eno, bw’atyo n’afulumanga ekibuga n’embeekuulo zaakyo ng’anoonya ekifo w’asobolera okuweerayo okwegayirira Kwe. Olusozi olw’emizeyituuni ky’ekifo Omwana wa Katonda gye yasinga okusinziganga. Emirundi mingi ng’abantu bamaze okumulekawo okugenda mu maka gaabwe, teyasobola kuwummulanga wakati mu bukoowu obw’okutegana kw’emisana. ... Nga ekibuga kyonna kiri mu kasiriikiriro ak’ekiro, nga n’abayigirizwa bazzeeyo mu maka gaabwe okwewummuzaako n’otulo, Yesu teyebakanga. Okwegayirira Kwe kwawerezebanga eri Kitaawe ku lusozi olw’emizeyituuni, ng’asabira abayigirizwa Be obutatwalibwa mu kukemebwa kwebaali ab’okwenjanga mu nsi buli lunaku, era ng’asabira n’omwoyo Gwe okunywezebwa olw’ekkatala n’okugezebwa okw’ali kumujjira mu lunaku oluddirira. Okuyita mu kiro kyonna ng’abagoberezi Be beebase, Omusomesa waabwe omutukuvu yalinga mu kusaba. ... Yalékera abagoberezi Be eky’okulabirako Kye. (Homeward Bound, p. 169).

Okutegeera Obusandali

Wadde nga Abakristaayo abamu batandika olunaku lwabwe ne Katonda, wakati mu kutya ebyo ebibalindiridde nga bafulumye ewaka, bangi tebatera kulufundikira nga bali mu maaso Ge. Oluvannyuma lw’okufuna kye babadde betaaga okuyita mu lunaku, beerabira okukomawo okumwebaza olw’obugabirizi n’obukuumi Bwe eri obulamu bwabwe. Olw’obukoowu obungi, bayingira obuliri awatali kirowoozo kya kunoonya maanyi Ge agalina okubayamba mu kugezebwa okw’olunaku oluddirira. N’okwebaza kwabwe gy’ali kuba kwa bbalirirwe.

Yesu yategeera obusandali bw'omwoyo obw'ali bumulindiridde buli lunaku, era ng'amanyi bulungi obulabe bw'omwoyo obw'ali bwolekedde abayigirizwa Be mu kiseera we bataabeerera na kintu kyonna kye bamanyi (Lukka 22:32). Ensangi zino – era bulijjo – ka tulafuubane okukomekkereza olunaku lwaffe n'emitima egisituliddwa eri Katonda okuyita mu kusaba n'okutendereza. Ka tusabiraganenga obutakoowa Katonda asobole okutukuuma nga tuli beesigwa okuva lwekiri nti tusemberedde okukomawo kwa Yesu Kristo.

Ka twogere eri Katonda waffe.

Ekiseera eky'Okusaba (Eddakiika 30-45)

Okusaba okw'Ekigambo kya Katonda – Lukka 6:12

“Awo olwatuuka mu nnaku ezo, n'avaayo n'agenda ku lusozi okusaba; n'akeesa obudde ng'asaba Katonda.”

“Yafuluma N'agenda ku Lusozi Okusaba”

Ai Yesu, tukwebaza nnyo olw'ekyokulabirako Kyo gyetuli. Obulamu y'engeri ey'amaanyi gye tugoberera, era tukusaba obulamu Bwo bukolere munda mu ffe. Mukama, tutegeera obwetaavu bwetulina obw'ekiseera eky'ekama wamu naawe. Tuyambe olwa leero okusobola okufuna obudde obw'enjawulo mu kasirise nga bwa kusaba. Tulage “olusozi” olututeerebbwaawo – ekifo wetusobola okubeera naawe wamu n'okuyiga okuwulira obulungi eddobozi Lyo. Amiina.

“N'akeesa Obudde”

Ai Katonda, bangi ku ffe tetusabangako okuyita mu kiro kyonna, Abamu ku ffe tulwanagana n'okusaba okumala eddakiika 30. Era wadde nga obuwanvu bw'essaala tebulina kakwaate kuwulirwa kwa ssaala zaffe, tukimanyi nti gye tukoma okulwaawo nga tuli naawe gye tukoma okwefunira emikisa enfofoo. Amaanyi gonna tugafuna kuyita mu kukunjaana naawe, ne tuyambibwa, ne tukulemberwa, ne tulumirizibwa, ne tulunjamizibwa, awamu n'okuweebwa omukisa. Ai Katonda, bambi tukusaba otuyigirize okusaba wamu n'okutuyamba obudde buno obutukuvu obw'okusaba okubusoosowaza mu ngeri eya ssekinnoomu beppo n'awamu nga ekkansa. Ka tusabe tutuuke ku mutendera nga obudde bwe tumala mu kusaba buwanvu n'okukira ku obwo bwe tumalira ku masimu gaffe, obw'okulaba TV, oba okuteeka essira ku biwugulaza ebirala. Tusaba otufuule ba-nnamige mu kusaba. Amiina.

“Ng'asaba Katonda”

Katonda waffe omwagalwa, kya buswaavu nti wakati mu kusoomoozebwa okungi tetusooka kukweyunira wabula eri obuyambi obulala obutava gy'oli. Oluusi tetumanya nti ebintu ebisinga obungi oba n'embeera nnyingi tubifudde bu-katonda. Tukusaba otusonyiwe. Tulage nga bwe tunoonyezza ebintu by'ensi mu kifo ky'okunoonya Ggwe. Ggwe Nnyini buyinza, Katonda w'obwengula bwonna. Twagala kunoonya Ggwe wekka. Essaala zaffe zigenda gy'oli wekka. Amiina.

Ebirowoozo Ebirala eby'Essaala

Okwebaza n'okutendereza: Muweeyo okwebaza olw'emikisa egimu n'okutendereza Katonda olw'obulungi Bwe.

Okwatula: Waayo eddakiika entonotono olw'okwatula okw'ekyama n'okwebaza Katonda olw'okusonyiwa Kwe.

Okulunjamya: Musabe Katonda abawe amagezi okuyita mu bisoomooza n'okusalawo ku bigenda mu maaso.

Ekkansa Yaffe: Musabe Katonda okuwa omukisa emirimu egy'ekkanisa yaffe mu kitundu, mu bbendobendo, ne munsu yonna.

Obwetaavu bw'Ekyalo: Musabire obwetaavu bw'abakkiriza mu kkanisa, ab'enyanda, ne baliraanwa.

Okuwulira n'Okwanukulwa: Muweeyo obudde okuwuliriza eddoboozi lya Katonda n'okulyanukulira nga oyita mu kutendereza oba mu luyimba.

Ebirowoozo ku Nnyimba:

- | | | | |
|------|---------------------------|---|--------|
| i. | Beera Nange | - | #91 |
| ii. | Nsanyukira Obulamu Bwange | - | #43 |
| iii. | Bwe Nfuna Eddembe | - | #127 |
| iv. | Be Still, My Soul | - | (#461) |
| v. | His Sheep Am I | | |
| vi. | In Moments Like These | | |
| vii. | My Peace I Give Unto You | | |